

華亭蔡氏新譜序



古者諸侯世國大夫世家故氏法之
傳不亂子孫皆法知其所自始迨周
之季諸侯相侵暴國亡族散已不可
稽攷漢司馬子長搜集遺文古書僅
見五帝系牒尚書集世紀其後如中
譜氏族篇稍稍間出迨九品中之

灋行而氏族始重迄五季之亂言牒
復散然自魏以來故家大族蓋數百
年傳系不絕可謂盛矣士大夫崇本
厚始之道猶為不遠於古也今世譜
學尤廢雖當世大官或三四世子孫
不知書迷其所出徃徃有之以譜之
亡也孰知故家大族實有與國相維

持者繫風俗世道之隆汙所不可不
重也况孝子仁人木本水源之思乎
華亭蔡用卿始為其族之新譜蓋不
歆遠引而自其身追而上之至於六
世而其始二世則名字已不能詳然
君絕不肖有所附會曰自吾所知者
而已蓋其慎如此予嘗論後世族姓

雖多淆亂然自其本始猶當存其十
之六七蔡之先出於周文王而蔡叔
度武王之同母弟以武庚之亂遷其
子胡能改行率德馴善周公舉以為
魯卿士復封之蔡尚書蔡仲之命是
也今蔡州有上蔡城其後平侯徙今
新蔡昭侯徙州來今壽州也後二十

六世微於楚然自澤義以後徃徃為
將相名賢史不絕書用卿雖斷自其
六世惟其為譜之意亦烏可不知其
得姓之所自耶用卿登隆慶二年進
士為魏郡司理而予適在邢時相見
且譜序見命予故頗採尚書史記之
文且著其得姓之所自而新譜之族

之大則用卿始矣
隆慶三年蜡月望日邢州散吏吳郡
歸有光序

新譜目錄

上卷

總系

傳系

世譜

勅諭

恩綸

贈言

行狀

誌銘

族葬圖

圖說

宗法

宗圖

冠笄

婚姻

喪葬

宗祠

祠堂圖

祭祀

下卷

家長

宗子

諸子

諸婦

新譜目錄終


夫婦	兄弟	事親	教子
擇師	家訓	言動	居室
衣食	勤儉	推仁	節慾
敦本	知足	俟命	忍德
睦鄰	陰佑	放債	恤下
修譜	名稱	叢載	祭田
義田	塋域圖		

蔡氏新譜卷上

總

系 文信閑士士安

圖



長房仁菴瑤傳系

瑤
奎
榛
天爵

蔡氏傳系圖

文信
閑士

壽

士安

福

儀
俸
保

璋
瑤
琬
璧

四房樂和璋傳系

璋

蕙

蘭

鳳

槐

仲仁
崇正
仲義

三房玉泉琬傳系

琬

芳

相

松

長房懷泉惠傳系

惠
—
汝文
—
貞元

五房石泉璧傳系

璧

懋 憲 惠 恩 慈 恕

汝襄 汝良 汝賢 汝才 汝成 汝文 汝錫 汝中 汝恭 汝信 汝善

希元 逢元 啓元 調元 養元 和元 肇元 育元 弘元 貞元 體元 耀元 勝元 復元 涵元 徵元

崇勳
崇高
崇慶

二房竹岩恩傳系

恩

汝錫

體元

三房一舟憲傳系

憲


汝良 汝賢 汝才 汝成

恆元 逢元 啓元 調元 養元 和元 肇元 育元 弘元 有元

崇勳 崇高 崇慶

四房思泉慈傳系

慈



五房子功懋傳系

懋



七房子行恕傳系

恕

汝善

勅諭

皇帝勅諭都察院右副都御史蔡汝賢今特命
尔巡撫廣西地方督理軍務剿除山寇撫
安徭僮軍民修理城池禁革奸弊團練保
甲整辦器械操演軍馬選補行伍一應軍
務須與鎮守總兵官計議而行如遇地方
盜賊生發即便調度官兵相機撲剿務期
盡絕以靖地方合用兵糧悉聽從宜區畫
其副叅遊守府衛州縣等官俱聽尔節制

敢有貪殘及退避不用命者文官五品以下徑自拏問四品以上叅奏處治武官自都指揮以下悉以軍法從事一應未盡事宜聽爾經略具奏如有重事情應與總督軍門會議者須從長計議而行不許偏執已見有誤事機爾為憲臣受茲簡命須持廉秉公正已率下以副委任如或處置乖方致生他釁責有所歸爾其勉之慎之故諭

恩綸

奉

天承運

皇帝勅曰諫垣列在禁近以獻替封駁為職蓋華選也朕茲訪落惟是左右直諒之臣是咨是度簡畀斯重褒賚惟先爾兵科右給事中蔡汝賢行直以方識明而粹始以甲科之雋典郡祥刑繼以薦牘交升掄于瑣闥操修益勵蹇諤有聲諸所敷陳有裨經

略蓋諍臣之選已爰以登極覃恩授爾階
徵仕郎錫之勅命今北邊稍寧而備禦未
息嶺海已困而寇盜不休所為紆畫設謀
以資朕聽糾彈省正以勵戎行者爾有司
存焉益殫忠勞徃圖稱塞則有永譽欽哉
勅曰婦從夫爵禮之大經也乃或黽勉同心
而弗共其榮于人情有甚惻矣國家追卹
之典必並及焉爾兵科右給事中蔡汝賢
妻錢氏卓以女士嬪于儒流克嗣徽音以

匡內政爾夫明經致用服在諫垣爾則永
捐弗食其祿朕甚閔之是用贈爾為孺人
淑靈有知歆承無斁

奉

天承運

皇帝勅曰人臣資事父以事君乃燕翼雖勤而
祿養弗逮此蓼莪所為興悲也國家恩貺
緣子及親豈非義哉爾蔡憲乃兵科右給
事中汝賢之父韜華弗試樹義有聞令德

在躬施于厥胤今爾子奉公率職服寵承
休爾之教也是用贈爾為徵仕郎兵科右
給事中賁以顯綸光于幽室

勅曰生有陟屺之思沒有柩捲之慕人子之
于母氏至切也國家體群臣以教孝恩數
之及其曷可忘爾胡氏乃兵科右給事中
蔡汝賢之母稟德孝恭飭躬勤約閑于閨
範克樹母儀有子奮庸徵爾慈訓是用贈
爾為孺人沛愍恤之殊恩表幽潛之令德

奉

天承運

皇帝制曰國家建置岳牧俾統攝郡邑以昭宣
皇澤表率吏治秩崇而任重非閱歷有聞
者弗輕畀也爾廣東布政使司左布政使
蔡汝賢雅度清操通才練識制科發穎郡
理分符直聲夙著于瑣闥令望久孚于藩
臬逮躋省轄益暢官評群僚仰其風猷黎
民懷其惠澤年勞丕茂朕心孔嘉茲特授

爾階通奉大夫錫之誥命夫東粵僻在南
荒民徭雜處頻年有事征撫物力久虛頃
雖小康民亦勞止譬猶治疾于少愈要在
培養其初元尚弘保乂之仁用究藩宣之
績欽哉

制曰士以績學致位通顯其所資于伉儷之
賢者恒多肆從爵之命與夫並逮不以存
沒間也爾廣東布政使司左布政使蔡汝
賢妻贈孺人錢氏卓有令儀歸于吉士蘋

繁內贊德業相成琴瑟中乖顯榮弗逮芳
儀如在華綽宜申茲加贈爾為夫人尚歆
三命之榮丕闡九原之耀

奉

天承運

皇帝制曰朕酬庸進律所以勸忠緣子及親所
以廣孝乃位躋于通顯則禮備于褒崇爾
贈徵仕郎兵科右給事中蔡憲乃廣東布
政使司左布政使汝賢之父戢耀韜榮敦

仁服義爰啓慶澤迪成嗣賢瞻茲岳牧之
猷疇匪庭闈之訓茲加贈爾為通奉大夫
廣東布政使司左布政使羨龍章之再賁
光燕翼于無窮

制曰人子念劬勞之報怙恃不殊國家均寵
錫之恩存亡靡間曩章有懿慈訓用昭爾
贈孺人胡氏乃廣東布政使司左布政使
蔡汝賢之母名宗毓德內訓裊躬動應壺
儀賢為里式教子聿勤乎機杼致名位之

日崇遺思每切于梧捲瞻芳徽之如在茲
加贈爾為夫人游承綸綍之榮永作閨闈
之勸
奉

天承運

皇帝制曰國家疇庸敘績不遺藩翰之臣錫命
頒恩特遡燕詒之澤是有卹典以闡幽光
爾蔡璧乃廣東布政使司左布政汝賢之
祖父敦倫植誼樂善好施樹德百年發祥

再世爾孫振起為朕岳牧之良爾之流慶
遠已茲特贈爾為通奉大夫廣東布政使
司左布政使歆茲茂渥永裕後昆
制曰積善之慶常施于子孫而追崇之恩並
逮其妣祖蓋其澤遠其報隆禮之稱也爾
蔣氏乃廣東布政使司左布政使蔡汝賢
之祖母蘭蕙為心冰霜比節篤啓聞孫之
祐早宣方伯之猷世德允彰朝恩宜錫茲
贈爾為夫人錫耀玄扃貽芳彤管

贈言

賀考績蒙

恩褒寵三代序

唐虞建官三載考績迨漢西京率繇斯軌
故吏自二千石以上治行高等輒增秩賜
金或爵關內拜卿輔我

國家風厲宇內釐工熙績掌于司勳氏行能
課最例得請

璽書褒美追及先世

家言
祖宗朝有召問錫宴自方伯入為六部尚書者
我龍陽蔡先生左使東粵今夏當滿秩兩
臺以

聞下銓部覈奏

主上嘉獎贈先生祖若父如先生官祖妣妣暨
配咸夫人一時恩寵埒于六卿稱異數焉
而行且召公矣同列大夫侈其事謀為賀
授簡不佞勲先生故屬吏也何敢辭遂拜
手前言曰先生之居方岳也前後七年所

矣今之報政也以粵也余請言粵政夫嶺
表內負崇岡外連瘴海宿號荒裔自秦闢
郡歷代仍之桀然一大都會顧其民狡悍
易動而樂亂谿崗坑巢盤据未殄雕題魍
髻糾錯其間日尋干戈為南徼患頻年民
力疲轉輸官帑耗供億吏茲土者徃徃難
之方岳展采宣力作屏巨邦秩崇而體尊
總十郡之財賦而歲脩貢獻苟按法而督
徵吏將朘下而民不堪稍緩之民且玩上

而用不繼先生建明作之政行豈弟之心
縈白忠清澹然無慙受事以來綜括會計
節縮通融程督以時惟廉惟威惟疆惟明
既崇大體不遺纖悉晨起視省陳則布令
盡畧而後即休勞罔愛身公罔恤家殫精
畢智以為民勤猶懼弊蠹弗剷而民鮮實
惠也為之申約嚴誡科罔者懲漁獵者坐
馱法者治慢期者罰而又時覃愛養之澤
賑窮恤災嗚咻而全活之慮周于鄙屋而

變銷于閭閻以故環海而城大者郡小者
邑舟車負擔轉運恐後民不為厲而國賦
充至有一歲中輸帑錢大司農逾三十六
萬而軍需賓興費亦稱是此豈獨廉威疆
明之所致哉要亦其壯猷遠畫通練而不
可窮也即是以稱伐于彛鼎何以加焉而
主上之寵而異之也夫亦旌勞勸賢之典也與
余于蔡先生而見臣節焉見子職焉見
主恩焉見天道焉先生嘗方岳浙蜀及報政矣

家語
卷一
中妬者口稍遷聞入粵先生不為異也惟
在矢志樹烈裕國阜民歷七載如一日詩
曰夙夜匪解以事一人先生以之可以明
臣節矣蔡氏在雲間世有令聞隱德弗耀
先生功垂海宇身被顯榮聲施于天下寵
及三世潛德幽光顯揚不朽詩曰永言孝
思孝思維則先生以之可以稱子職矣
聖天子方寤寐忠碩思置左右先生勞在垣翰
而望負巖廊行且舉六卿之任而委成焉

粵寧有公邪詩曰樂只君子天子葵之斯
左券也何莫非

主恩乎夫弘濟徵材大受觀器天之所畀不在
涼豈永綏爾祿光昭賞延皆明德之克膺
也詩曰之屏之翰百辟為憲不戢不難受
福不那其斯之謂夫然則先生之祿位福
履方寢興而未艾也是天道也諸大夫僉
曰然可以贈先生矣

萬曆丙戌冬十有一月吉旦

賜進士出身嘉議大夫廣東按察司按察使前
兩奉

勅提督西蜀南楚學校翰林院庶吉士工科左
給事中侍

經筵官舊屬治生管大勲頓首拜書

行狀

勅贈兵科右給事中一舟蔡公暨配孺人胡氏
行狀贈給諫一舟蔡公配胡孺人先後卒
葬有年矣而墓未表也子方伯龍暘長憲
八閩時則嘗追憶生平手次行實藏篋中
而又數年會今以廣東左使報滿公孺人
且得二品

誥贈將遂乞銘學士先生以章
君寵發幽光而出先所手次授不佞萬鍾為狀

之謹按公諱憲字子綱一舟其別號也世為華亭人始祖文信公以貢入成均文信生閑士閑士生悅靜悅靜五子其季石泉公父也有子六而公居三幼警敏異凡兒石泉蓋晚得諸子尤竒愛公嘗語人曰此兒必大我門惜吾老耳稍長習舉子業駸駸歆上會石泉公病廢學問醫出入扶持者三年而石泉公竟卒時公甫十七耳悲慟幾絕一切喪葬具獨力營辦絲毫不涉

兩兄免喪而胡孺人來歸公出喪葬餘貲悉以聽母蔣孺人中分諸兄弟撫其最幼者一人別置常稔田數畝以奉母家罄如也人以為難公固無幾微方伯生有異徵公私喜曰先君有成言吾門乃待此子而大也胡孺人能其家而公經營治外凡十餘年稍稍稱給然家變人侮蹶而復振者數矣歲戊戌里中議賦役以公應時方伯就外傳而孺人以憂卒公日徃役夜歸課

書父子影相吊也乙巳方伯始為邑諸生
公稍色喜乃督勵方伯益嚴每靜夜不聞
書聲即朗吟少壯不努力老大徒傷悲語
示警燕坐必舉古人忠孝節義事僕指賞
嘆用規勉焉臨試輒提囑至再曰毋後人
也方伯少篤學勵行繩尺步趨蓋其天性
而庭訓亦有自云乙卯當畿試值倭奴寇
攘故居悉燼幾不能治行公呼謂方伯曰
我歆聽汝去如此兵燹何不去如此貧賤

何相抱而泣是秋方伯遂領薦公聞捷大
喜已復絮泣不自禁追感石泉之言且悲
孺人之不待也丙辰方伯下第歸公時呼
酒相勞弄孫行樂天性煦然至己未始鬱
鬱不自得間語方伯曰而祖壽止六十有
三我時且至矣而尚未脫諸生籍當柰何
公素恢達忽有此不祥語辛酉冬復當計
偕執手依戀多離別可憐之色方伯固心
動試畢亟謀歸而公疾作矣石泉公病風

疸公亦病風疸年數適齊殆成讖云始公失胡孺人久晚納姚氏多子女病革族子有以遺囑請者公瞑目指方伯曰有兒在安用囑為復回視方伯曰吾累汝吾累汝盖公臥病凡數月肫肫計身後談家常絕無貪生怖死世俗兒女態忽一日問方伯曰後事備乎方伯哽不能答第陰為之備備成而瞑如預知者公性倜儻喜杯勺然意不在酒酒酣輒誦前人莫辭盞酒十分

勸及一滴何曾到九泉之句拊几長嘯旁若無人者賓朋燕游未嘗以事免投壺對奕竟日為懽無問賓主陶然也月夕花辰逸興遄發偕二三知己放棹山水間舉杯長吟與漁歌牧唱相答醉即臥孤蓬下身世若忘其以舟自號意有取云生平重然諾以意氣急人里有鬪爭者必曲為調解向善者即多方扶翼其處家庭諸昆弟尤先克已即有嫌忿加我者而同心急難毅

然為之無間始終御家人最嚴童奴自五尺以上不入閫師巫異色屏不及門有以焚修之術進者咲謝曰吾知有天地君親師它非所及也蔣孺人卒執喪如禮破里俗不用浮屠至歲時蒸嘗則必思父母所嗜烹肥擊鮮躬治如生時寒食則携兒孫徧植紙錢令識先人塚處除夜必焚香瞑坐者久之曰此先人教我守歲童而白首毋敢忘也常恨身不列儒紳遇經生學士

敬禮如不及即賢士大夫亦無不樂與公交者吾松風習子弟稍進步父兄必易巾幘而公顧白恰如常問之輒應曰吾布衣分所安耳居常訓方伯不要有富貴相有則處逆境為難芝蘭在幽谷不以無人而不芳此意須要識得公於詩書涉獵耳乃其言類知道者豈得之性然耶公生于弘治庚申二月初五日卒於嘉靖壬戌九月初五日配即胡孺人松有著姓稱樹園胡

者孺人族也大父天然公仕為龍暘邑博
父大本公諱經母陳生子女各二人而孺
人居長少不喜紛華寡言咲父母鍾愛之
嘗有日者推曰女造大貴惜福薄耳鄉有
邑丞求為子婦陳謂大本公曰吾女薄福
伊子秀才假令身榮必促女命未幾有言
給諫公善治生者遂許委禽焉初給諫公
族屬同爨口語易生怨隙陳孺人憂之甚
比孺人于歸一以公勤和敬調處上下無

不相安者蔣孺人性嚴重意不可諸子婦
而遇孺人則懽無間言方伯生一年族始
析居晝操井臼夜料米鹽縫衣裳非宵分
不寢也居常即尺帛寸鏹玆惜不妄費而
祭先必極精腆曰母媒也戚里報施必豐
曰母慢也隣有姜媪者貧而義孺人姆事
之十五年恩禮如一日孺人沒又十五年
姜九十老矣語孺人必雪涕蓋其處人之
厚感人之誠類如此給諫嘗為族人起爨

家言
被逮孺人痛不欲生時方伯已疑疑露頭
角孺人泣謂曰而父惟不讀書橫被凌侮
至此女更不學誰為乃公一洒今日者晨
即促令就館舍夜具湯餅篝燈火機杼伊
吾相聞書不成誦不休也或謂一子何過
苦輒應曰人子不肖率由父母姑息且讀
書何苦之有言者媿謝去母陳病卒孺人
性至孝憑棺一慟形神俱失自是日奄奄
矣而會給諫有里中賦產無立錫家無應

門竟抱壹鬱以死時嘉靖戊戌之四月初
四日也距其生弘治己未七月二十八日
得年四十耳癸卯春曆北郭外福民橋之
新塋又二十年為癸亥冬而給諫公始合
塋焉壬申遇

今上登極覃恩方伯時為兵科右給事中公贈
如子官而胡為孺人日者之言竟若左券
云孺人子一即方伯汝賢隆慶戊辰進士
起家大名司理歷兵科都諫名節重縉申

家言
卷一
三
間娶錢氏亦以

覃恩贈孺人孫男三長啓元太學生娶黃氏次
逢元太學生娶張氏繼田氏次調元娶包
氏侍御蒙泉公孫女繼楊氏孫女一適南
兵部主事麗江張公子太學生元肅姚出
子四長汝才邑庠生娶莊氏孫男三次汝
文出後公伯兄懷泉公娶朱氏孫男女各
一次汝良娶朱氏孫女一次汝成娶孫氏
孫女一女一適金學孔曾孫男二女五皆

幼一受聘者即今翰撰唐君抑所子也萬
鍾生也晚憶於庚申之秋侍一舟公於里
人何氏所浮白呼盧者竟日公談傾四坐
披見底裏而眉間英英若有紫氣私竊謂
公必百歲人也乃未幾而長逝又未幾而
方伯成進士以有今日

龍章焜耀寵及兩世胡孺人儷德駢榮稱不朽
焉挹損于生前取盈于身後天道如勺詎
不信夫而方伯顧欷歔對不佞曰傷哉我

家評
父母蓋食貧而生不肖拮据而教不肖也
乃不肖未列學宮母背矣未第春官父又
背矣傷哉非有名公大人一言令先德永
有聞不肖何用為子哉而非託之親暱如
子誰能信吾言者不佞於方伯生同里仕
同朝粵在萬里外同寅好不佞有母在而
先君子故識一舟公亦早見背言之有同
痛焉謹投淚為公狀之惟
學士先生采焉

賜同進士出身中憲大夫廣東按察司副使前
浙江道監察御史侍

經筵官年家眷晚生陸萬鍾頓首撰

誌銘

明故贈通奉大夫廣東布政使司左布政使
一舟蔡公暨配夫人胡氏墓誌銘

粵左使蔡君用卿以上計入間過不佞語
曰

主上過聽使汝賢待罪藩垣今三載考矣如天
之福得徼

寵靈于先二人願于子託不朽焉已銓曹以最
課有

詔加贈故贈徵仕郎兵科右給事中憲為通奉大夫廣東布政使司左布政使孺人胡為夫人用卿乃自粵抵書函其姻陸憲副狀來申前諾不佞與用卿同籍復同門相厚善誼不得辭也按狀蔡氏世居華亭始祖文信以貢入太學生閑士閑士生悅靜悅靜生璧別號石泉即公父也公幼警惠過人父于諸子中獨器之曰必子也為宗亢者稍長習佔畢業已心開屬父病日夕操

藥以修色焦然弗解者三年遂中廢比坊而喪葬諸費悉斥私橐不歆盡楨家督當柝箸呼季與居曰此父所指豹以示累者也置腴田數畝奉母蔣為羸老資而自給窘甚處之恬如也尋得胡夫人內外拮据齋用漸不乏然家難外侮齟齬之者數矣迨用卿生有奇徵公喜曰是方能亢宗者乎籍令父在寧免張蒼梧佳兒之謔邪邑議以公部歲賦日疲欲弗休又胡夫人乍

失用卿獨從服舍治業公每夜歸司讀篝
燈熒熒悄然相吊也或誦稍輟輒哦少壯
不努力老大徒傷悲語以激之故用卿下
帷發憤藻譽寢起而每試必祝曰勗哉毋
後人也歲乙卯當畿試適家燼于倭不能
具資斧公呼用卿曰吾將聽汝行乎安所
羸糧而使果然也將止汝乎惡能以一青
衿坐老歲月邪乃抱持而泣卒遣之赴北
登高等公聞而喜可知也公素善酒遇酣

輒擊唾壺誦古烈士達人忼慨語曼聲長
嘯意僊僊乎埃壘之外恒稱曰至人處世
汎若不繫之舟亦虛而遨遊耳視淵若陵
覆却不入吾願剗心焉因自號一舟子勝
日則駕一葦載三雅携客方洋山水間每
延緣葭茨聽漁唱菱歌與拏音相韻引滿
舉白陶然若小天地醉即臥孤篷下幕風
席月視水國如處坳堂也公少恢廓解達
生旨中歲忽邑邑不自得乃語用卿曰昔

汝王父僅踰耆而三吾年且齊矣如逆旅何故用卿一再上春官次且不欲行最後試畢心動亟歸而公病矣公即委頓談笑猶如居平絕無怖意一日詰用卿後事備乎用卿嗚咽不能對曰汝母諱吾返真有日矣及單左右以遺令請公日用卿曰汝在安用令回視諸兒息僂僂床第間曰累汝累汝尋卒與若翁竟齊年云公性倜儻重然諾好以排難解紛扶弱翼良為事處

昆季務以身下急難無間閱者而御僮指絕斬斬五尺不得入閫門以內巫覡無窺左足者居喪不聽俗薦浮屠乃歲時伏臘刺肥擊鮮如調膳然上冢徧携子姓剪蒿標楮令稔識其處除夕必焚香宴坐午夜乃罷曰此兒時先人教我守歲白首毋敢忘也公雖稚少文乎遇翰卿墨客恒訢訢嚮之故賢豪咸樂與游自用卿遂公白恰如初人問之應曰吾布素宜爾無庸詫也

而用卿嘗語不佞曰先君恒誠余以母著
富貴相有則難于處逆芝蘭幽谷無人自
芳斯意尤須識焉蓋公趣操可睹已胡夫
人同邑名家女大父天然楚龍陽博士父
經母陳夫人少莊寡言咲不喜芬華父母
異之有日者卜曰是必大貴惜福彘彘耳
胡公為偃蹇其偶弗輕予聞公善治產遂
納聘焉初蔡氏以合爨故不能無生得失
自夫人來中外輯睦無間言姑蔣性嚴重

不可諸婦獨安夫人遭家中落夫人晝操
井臼夕料米鹽下至泔泔統與縫紉皆手
指自效徃徃終夕弗寐性嗜織畱圭撮以
上各有衡量而于饋饗必極豐腆隣有姜
媪者夫人母事之十五年及姜媪九十而
死猶呼夫人淚蘇蘇隕也公嘗以事逮繫
夫人恨不欲生投涕謂用卿曰乃公以失
業蒙詬汝更不學誰為洒削者每晨起趣
就外塾夜坐織室中佐讀機杼伊吾聲相

錯也倦則勞以漿脯非成誦不已有言獨
子奚過苦乃爾曰吾聞慈母多敗子吾不
忍蹈姑息轍也且讀書何以稱苦言者權
謝母陳坳夫人哀慟至絕因浸潯以病又
念公賦役坎壈畏約無已時竟壹鬱而逝
良可悲已公生弘治庚申二月初五日卒
嘉靖壬戌九月初五日夫人生弘治己未
七月二十八日卒嘉靖戊戌四月初四日
合葬于郡北郭外福民橋之原子一即用

卿隆慶戊辰進士由司理擢給諫周踐藩
臬以至今官直聲亮節有名臣風娶錢氏
贈孺人孫子三長啓元太學生娶黃氏次
逢元太學生娶張氏繼田氏次調元娶包
氏侍御蒙泉孫女繼楊氏孫女一適南京
兵部主事張麗江子太學生元肅公晚納
姚氏生子四長汝才邑庠生娶莊氏次汝
文出為伯兄惠嗣娶朱氏次汝良娶朱氏
次汝成娶孫氏女一適金學孔孫曾不具

載史長春曰余觀古之醉士酒民以酣自
放與浮家泛宅飄然寄蘧廬于扁舟者其
微指皆蜉蝣一世糠粃萬有藉斯以遂其
曠達耳若游心澹莫寄迹混芒其生不傷
其化不怛益卓乎神理之達觀者焉今跡
公所操儻亦至人之遺軌邪顧公于致福
未數數也乃遺緒令名久而滋振非得全
全昌者哉胡夫人年不配德而託子以顯
瞑可矣是宜銘銘曰虛舟以為家醉鄉以

逃世曰此天放者之左契惟全生與昌後
曰委順而委蛻既返尔幽寤亦偕尔嘉儷
千百禩以寧曰德斯媿澤斯繫

賜進士出身通議大夫
京禮部右侍郎前國
子監祭酒左右春坊庶子諭德翰林院侍
講修撰編修

經筵講官直

起居館纂修

兩朝實錄

言
 餘福胙相勞苦序間闊尚可見同宗之意也
 但葬者惑於流俗困於拘忌塚墓叢雜昭穆
 淆亂使不可辨識又或子孫豐顯耻葬下列
 別建兆域以遠其祖是皆可恨也今取墓大
 夫冢人之義參酌時宜為之圖說藏於祠室
 以遺宗人俾凡有喪按圖下葬無事紛紛之
 說焉蓋家之祭止於高曾祖考親親也按朱
家禮祠堂為四龕以奉先世高祖考妣居從
西第一龕曾祖考妣次之祖考妣又次之居從
妣居東龕嗣子易世則遷遷祧毀焉其親
盡者埋神主于墓所或祠堂兩階之間
 墓

之葬則以造塋者為始祖謂從他國遷於此
塋而葬者其墓居塋之中央北首妻沒則附
其右有繼室則妻居左而繼室居右二人以
上則左右以次而附焉其有子之妾又居繼
室之次亦皆與夫同封按禮雖以地道尊右
而葬法周禮昭穆之制昭子不別嫡庶不為
穆尚左故不遵用焉
 妻及繼室所出孫不敢即其父不分兄弟
孰為側室所出孫不敢即其父
貴賤皆以齒列昭穆諸子並列以東西為上其
也
 正妻繼室有子之妾各附其夫仍皆與
夫同封諸孫葬祖之西南穆位北首並列以
東為上正妻繼室有子之妾各附其夫之西
餘與昭同凡昭穆之墓每一列自墓分心南
北相去各九尊尊也
步法陽數也
尊尊也
敢私附其父也
曾玄而

下左右祔諸子之南玄孫序齒列皆序齒列

以其班也右皆曰昭昭與昭併穆與穆併兄弟

同列祖孫同班在昭位則用百世可行也六

昭制在穆位則用穆制也孫在曾孫之南七世孫在玄孫之南八世孫

亦皆可昭尚左穆尚右貴近尊也墓為近祖北

首詣幽冥也妻繼室無所出合祔其夫崇正

體也妻從祔妻曰合母以子貴也有子降女

君明貴賤也退嫡夫人之地尺許故今謂凡

妻繼室稍南正與夫同封示繫一人也其黜

與嫁雖宗子之母不合葬義絕也男子長殤

居成人之位十有六為父之道也中下之殤

處祖後示未成人也十六至十九為長殤十

至十一為下殤凡已婚娶即為成人故今以

長殤居成人之位中殤已娶亦然其未娶者

與下殤葬祖之北稍東殤女葬祖之北稍西

祖墓正北不可下穴其地東西空三步象三

才也凡殤是祖之北子與女其墓去祖北六步

若孫則在子之北孫女在女之北曾玄而下

皆重行南首每一列自墓分心南北亦相去

六步法陰數也蓋昭穆前引用陽數殤後引

用陰數凡葬此者男子先沒則石西後沒者

次其東女子先沒則居東後沒者次其西皆

不以齒序不以齒不期天也如弟先葬而番

為序

其兄天傷也男女異位法陰陽也男居祖北之東女居祖北之西

而昭穆必以班班不可亂也男女雖異位而必使每行祖北不墓避其正也

者皆南首惡其趾之向尊也嫁女還家以殤祖之嫌其當首葬後

處之如在室也程子曰棄女還家以殤穴在殤女位妾

無子猶陪葬以恩終也始祖之妾無子者亦陪葬子之妾無子者亦

首子之妾與諸女相直而在祖妾之北孫之妾與孫女相直在子妾之北曾玄以下每列

盡然而皆南首先葬者居東後葬者次其西不以姊妹年齒為序

以尊遠祖辨昭穆親述屬宗法之遺意也為族葬者所

子孫而葬其親苟非貧乏塗遠不祔于祖與

祔而不以其倫則視死者為不物矣其如焚

尸沉骨委之鳥鳶孰不可忍也尚何望其能

事祖與宗人哉嗚呼去順效逆葬不以禮繩

以春秋誅心之法其亦難乎免矣

宗法

王氏家集曰別子為祖繼別為宗繼禰為小宗
別子為祖者始受爵秩與始為祖者也繼別
為宗者別子之嫡子繼別子為族人之宗是
為大宗世世嫡長子合族共宗之所謂百世
不遷者也別子之庶子不得以禰別子故以
其長子繼已為小宗而別自為禰其同父之
兄弟共宗之二世之嫡子同堂兄弟亦共宗
之三世之嫡子再從兄弟亦共宗之四世之

宗法

王氏家集曰別子為祖繼別為宗繼禰為小宗別子為祖者始受爵秩與始為祖者也繼別為宗者別子之嫡子繼別子為族人之宗是為大宗世世嫡長子合族共宗之所謂百世不遷者也別子之庶子不得以禰別子故以其長子繼已為小宗而別自為禰其同父之兄弟共宗之二世之嫡子同堂兄弟亦共宗之三世之嫡子再從兄弟亦共宗之四世之


嫡子三從兄弟亦共宗之故曰小宗有四至
于五世四從兄弟視小宗之高祖為高祖兄
弟而無服矣故不復宗五世之嫡子而復自
別為禰其同父之兄弟共宗之而復為小宗
之始矣是謂繼禰為小宗大宗以祖為自出
小宗以禰為自出宗法者治世之要道也
黃文裕鄉禮曰大宗一統小宗四別子為祖以
嫡承嫡百代不絕是曰大宗大宗之庶子皆
為小宗小宗有四五世則遷已身庶也宗禰

宗已父庶也宗祖宗已祖庶也宗曾祖宗已
曾祖庶也宗高祖宗已高祖庶也則遷而惟
宗大宗大宗絕則族人以支子從之宗子愚
幼則立家相以攝之各修族譜以敦親睦若
有骨肉爭訟者衆共罰之若同居共爨者衆
共褒勸

潛室陳氏曰大宗是始祖正派下雖其後支分
派別皆同宗此祖則合族皆服齊衰三月初
不以親屬遠近論是為百世不遷之宗小宗

是禰正派下親盡則絕如繼禰者親兄弟宗
 之為之服朞繼祖者則從兄弟宗之為之服
 大功繼曾祖者再從兄弟宗之為之服小功
 繼高祖者三從兄弟宗之為之服總自此以
 後代常趨一代是為五世則遷之宗宗法之
 立嫡長之尊有君道焉

宗圖



祖別子
 大宗 別子之適長子繼別子為大宗百世不遷

見王氏家藏集

家語
卷上
伊川先生曰冠婚喪祭禮之大者今人都不理
會豺獺皆知報本今士大夫家多忽此厚於
奉養而薄於先祖甚不可也某嘗修六禮大
略家必有廟廟必有主月朔必薦新時祭用
仲月冬至祭始祖立春祭先祖季秋祭禘忌
日遷主祭于正寢凡事死之禮當厚於奉生
者人家能存得此等事數件雖幼者可使漸
知禮義

冠笄

司馬溫公曰冠者成人之道也成人者將責為
人子為人弟為人臣為人少者之行也將責
四者之行於人其禮可不重與冠禮之廢久
矣近世以來人情尤為輕薄生子猶飲乳已
加巾帽有官者或為之製公服而弄之過十
歲猶總角者蓋鮮矣彼責以四者之行豈能
知之由不知成人之道故也古禮雖稱二十
而冠然世俗之弊不可倖變若敦厚好古之
君子俟其年十五以上能通孝經小學粗知

家言
禮義之方然後冠之斯其美矣

婚姻

司馬溫公曰凡議婚姻當先察其壻與婦之性
行及家法如何勿苟慕其富貴壻苟賢矣今
雖貧賤安知異時不富貴乎苟為不肖今雖
富盛安知異時不貧賤乎婦者家之所由盛
衰也苟慕一時之富貴而娶之彼挾其富貴
鮮不輕其夫而傲其舅姑養成驕妬之性異
日為患庸有極乎借使因婦財以致富依婦

勢以取貴苟有丈夫之志者能無愧乎

胡文定公治家甚嚴閨門整肅尤謹內外之分
兒婦雖父母在非節朔不許歸寧嫁女必須
勝吾家者娶婦必須不若吾家者或問其故
曰嫁勝吾家則女之事人必欽必戒娶不若
吾家則婦之事舅姑必執婦道

嫁娶必擇溫良有家法者勿慕富貴以虧擇配
之義其或豪強逆亂世有惡疾者不可與議
擇配必于男女十四五上下方見賢愚否則必

有後悔又嫁娶必以及時為貴

子長當為娶婦遠求小姓使能生子足矣天其福人不在貴族芝蘭無根醴泉無源

貴家大族為富不仁福已泯而禍必至吾苟與之締姻鮮有不為其所及者也

男子二十以上皆可婚女子十六以上皆可嫁凡議親須門戶相當及倫序不紊不許苟合以壞家風若男子出贅女子入贅皆世之溺俗不可準行婚嫁之儀稱家有無慎毋勉強

徇時自取貧乏

文中子曰婚娶而論財夷虜之道也君子不入其鄉早婚少聘教人以偷妾媵無數教人以亂且貴賤有等一夫一婦庶人之職也

喪葬

父母有疾不問年歲若干便須晝夜看視討論方脈藥餌務求疾勢明白敦請明醫用劑不可委之庸醫之手以致悞事倘疾勢未痊當不令親知密備壽木

富用沙板
貧用杉木

幸而平愈乃

人生所不可少者密而藏之可也即遇暑天有備無患亦人子當為之事使瀕危方辦錢徒費而板不堪寧非終天大恨耶若有兄弟而互相推委致親屍暴露或有所傷且無論人非天網恢恢必有陰譴子孫其念之戒之父母云亡乃天崩地裂人子至痛之時易於昏迷苟簡暫且閉門忍淚收拾衣衾不可草草致有後悔先於父母病重時凡燈草布捲一切預備至期檢點俾當然後舉哀三日之後

方許設靈受吊至於備饌迎賓誦經薦福尤為害禮不必依行一家有喪同堂助之同堂不足衆房助之或司貨治事或分茶伴夜協力同心務成美族

凡葬有力者棺外用木槨無力者止用灰隔灰隔以三和土為之先時將山黃土白灰細沙晒乾打碎用密篩篩過其法每塊以石灰二斗黃土一斗細沙一斗拌勻或掘土窩或用石白納於其中用大木棒三人三面徐徐捶

打不厭其多須要霑結一塊量用若干其法皆然候齊備其底先鋪炭末一層後用前塊鋪砌小杵堅築約厚乃下槲將四週築實下棺即于槲內棺外空處亦實前塊築滿然後下槲蓋築頂處須家長親看下手堅築不可托人此是慎終第一緊務父母之望子人子之報親舍是無所用其力矣慎之慎之人家塋域乃祖宗體魄所藏子孫命脉攸關非眇小也植有松栢蓋培蔭風水非直為觀

美而已故古人不易

除草
伐木

墓為宮室不斬於

丘木况可望其松楸而思以為薪乎有不肖子孫出於其間言稱有分旦旦而伐之甚有拆墻垣毀祠宇何其心之忍也人非鬼責叢於一身歆子孫昌盛必無此理始當會合族諭之諭之不從祠堂前責之再不從送官治之以為不孝之戒

羅大經曰塋者藏也使他日不為城邑道路溝渠已耳豈藉此以求子孫富貴乎自郭璞倡

本骸乘氣遺體受蔭之說世人惑之有貪求吉地未能愜意至數十年不葬其親者有既葬以為不吉一掘未已至三四掘者有因買地致訟棺未入土而家已蕭條者有兄弟惑於各房風水至於骨肉化為仇讐者皆璞之書誤之也夫璞精風水宜妙選吉地福其身私其子孫然身不免刑戮而子孫卒以衰私則其說已不驗於身矣後世猶尊信之不亦惑乎

嘗讀檀弓孔子曰衛人之祔也離之以物魯人

之祔也合之不以物善夫觀孔子不善衛人之

離而善魯人之合則世有惑葬師而分葬父

母者非矣且古詩云穀則異室死則同穴若

父母而分葬是穀則同室死則異穴豈仁人

孝子之所忍乎自後世地理之說行謂人之

貴賤貧富壽夭皆係於葬地遂酷好不巳江

西為最即宋之大儒亦信焉柰之何哉取法

孔子三復古詩須知合葬為是彼區區術數

子孫慎毋惑焉可也

八閩仕宦惟東林為尤盛或問何以致此肖泉
公廷機曰聞先曾祖遇一道人精堪輿術得
一山地令曾祖觀之曰茲王侯穴也非尔所
能當曾祖曰予有子頗聰慧可以當之乎于
是引先祖太守公出見道人搖首語如前先
祖曰茲地誠不敢當均葬合族以分其美可
乎道人曰汝雖不能當然汝之言則仁人之
用心足以當之矣遂用其地嗚呼道人固神

人也然非林公一念之仁其地豈能遽為所
有蔡牧堂曰求地者必以積德為本後世以
智術勢力競風水之益者不亦愚妄也哉

宗祠

祠堂之制士夫家並遵文公家禮起堂三間繚
以周垣以奉先世神主常須修理完固洒掃
潔淨嚴加封鎖非叅謁祭享無擅開入及將
一應閑雜器物置放在內其他讀書之家只
擇明潔空室一間以奉神主亦得

今為祠堂者以祠堂後架隔截為四龕高祖居中左曾祖居中右祖居次左考居次右位皆南向凡伯叔祖考妣故絕者祔高祖龕側伯叔考妣故絕者祔曾祖龕側兄弟姊妹故絕者祔祖龕側子姪故絕者祔考龕側其後高祖既遷則曾祖居高祖之位祖居曾祖之位考居祖之位第五世新祔者居考之位若庶人無廟亦當以席間為四室行事奉所祧神主埋於墓側不用火焚其伯叔祖考妣祔祭

於高祖龕側者高祖既遷則伯叔祖考妣亦當遞遷其伯叔考妣與兄弟子姪祔祭者亦如之

一峰羅氏曰祠堂之設正至朔望則叅冠婚喪祭則告明譜讀約則會善則書過則懲一于是祠行焉所以維族人心使知千萬人之身其初一人之身也貴不至忽賤富不至驕貧少不至戾長不至相視如途之人先王崇化道民之意其庶幾矣

祠堂圖

祖考
祖妣
卓

高祖考
高祖妣
卓

故兄

卓

故姊妹

伯叔祖考
卓

卓

伯祖妣


香

茶酒器
卓

茅

拜

東男



曾祖考
曾祖妣
卓

伯叔考

案

沙

位

伯叔妣

故姪男

祝卓
板

西女

考妣
卓

故姪女
卓

祭祀

凡祭設位地寬者各用一椅一卓而並合之地
狹者則用一橈一卓考妣二位共之

祭之日請神主出就正寢中堂也庶民未造神主

者用紙書寫祭畢焚之如俗祭薦新只設於
室惟分至之祭則設於堂

春祀夏禴秋蒸冬嘗時祭用仲月上旬祭祀日
冬至立春各象其類祭之于本日行禮其俗
祭七月十五日十月初一日隨本家時有盤

饌酒飯薦而不祭每月時鮮之物必薦祠堂
未薦不敢先嘗庶子孫事死如事生之心可
少慰矣

凡祭男女沐浴更衣各致齋三日飲酒不至亂
食肉不茹葷不吊喪不聽樂

凡祭用牲無牲則用庶饌時蔬時果各五品麵
糕飯共不過十五器家貧稱有無為之惟誠
潔為貴

參神行再拜禮參神畢行降神再拜禮復位初

獻主人每位前斟熱酒進奠于卓上主人復
取盞跪少滴于茅上以代神祭畢以盞仍奠
置卓上統於所尊讀祝者跪讀主人之左無
人主人自讀畢再拜使子弟分獻各拊位亞
獻終獻畢辭神行再拜禮焚祝文

祝文具年月日孝玄孫某敢昭告于高祖考某

官府君

無官者稱處士

高祖妣某封某氏曾祖考某

官府君曾祖妣某封某氏祖考某官府君祖

妣某封某氏考某官府君妣某封某氏

以上皆平

頭曰氣序流易時維仲春夏秋冬同追感四時不

勝永慕敬以清酌庶饗有牲者則曰剛鬣祗柔毛案盛醴齊

薦歲事以其親其等祔食無則不言祔尚饗

殤祭八歲至十一為下殤其祭終父母之身十

二至十五為中殤其祭終兄弟之身十六至

十九為長殤其祭終兄弟之子之身成人而

無後者其祭終兄弟之孫之身不滿八歲者

為無服殤不祭

儒者多執古不墓祭之說然周禮已有家人之

官凡祭于墓則以為尸安得謂之非古也且

孝子於故衾遺履尚當起敬形體所在拜而

祀之似不為過矧周公之文明甚乎清明墓

所祭掃亦禮之以義起者也

置撥常稔之田不拘畝數別蓄其租專充祭祀

之費其田券印某郡某氏祭田六字字號步

畝另見他方并勒石祠堂之左俾子孫永遠

保守稱家有無為之亦得墳糧亦從此出免

派族人子孫並不得典賣違者聞之官治以

不孝之罪

古者人皆厚本故尊祖而敬宗收族而重祀家

必有廟廟必有主月朔必薦新時祭用仲月

高曾冬至祭始祖陽之始也厥初生民之立

春祭先祖生物之始也初祖而下高祖以上

並秋祭禰成物之始也祖嫡一長子孫之凡言

主者先期一日請神主設于中堂南向自此

而下考左妣右分為兩列每年一行迨五世

則遷文信常趨一代亦如之忌日遷主祭於

正寢祭止君子有終身之喪忌日之謂也墓

祭于三月上旬前一日致齋祀皇土凡塋墓者皆得

與族內幼子每遇祭掃俱應隨班行禮惟婦

人女子仍守不出閨門之戒不許携行

凡四時祭畢即以神惠暖其酒食請合族長幼

敘而談之以悖骨肉或族人太多不能遍及

以尊卑各為一列分四時請之亦得

周氏家訓曰宗族至親而反踈者勢位分也勢

位所以分者宴會少也富而貴者往來相餽

雖疎必親貧而賤者不能舉禮接見且寡雖親必疎故吾置為宴會不論貧富貴賤止照倫序如春秋兩祭宗族得會食新年初一日俱至祠堂拜祖宗得會食俱於祭田內宗子家長辦之若族中吉凶之禮有宴會者須同族人會食如以貧賤富貴有所分別者此薄惡之道非吾子孫也

會食燕私所以廣祖宗之澤惇骨肉之情收族萃渙之義也宴會之時各照尊卑長幼序坐揖遜獻酬藹然和氣流通談論間止許以勤儉忠孝相勸惟酒無量不及亂而已如有越席多言甚至恃尊凌卑以下犯上乘醉忿爭者衆共扶出之下次不許入祠堂以與會食改之仍舊